

წინამდებარე ხელშეკრულება დადებულია „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „დ“ ქვეპუნქტის საფუძველზე.

ქ. თბილისი

25.05 2016 წ.

SMP

160001452

საქართველოს კულტურისა და ძეგლთა დაცვის სამინისტროსა და

შპს „ნიკოლშოუ“-ს შორის

ჩვენ, ქვემოთ ხელის მომწერნი, ერთი მხრივ, საქართველოს კულტურისა და ძეგლთა დაცვის სამინისტრო, წარმოდგენილი მინისტრის პირველი მოადგილე კახი კანდელაკის სახით (შემდგომში „დამკვეთი“) ხოლო მეორე მხრივ, შპს „ნიკოლშოუ“ წარმოდგენილი დირექტორის გიორგი ნიკოლაძის სახით (შემდგომში „შემსრულებელი“), საქართველოს მთავრობის განკარგულების N699 (2016 წლის 22 აპრილი) თანახმად, ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1 2016 წლის 26 მაისს, ქ. ქუთაისში, საქართველოს დამოუკიდებლობის დღისადმი მიძღვნილი კონცერტის მუსიკალური პროგრამით უზრუნველყოფა.

1.2 წინამდებარე ხელშეკრულების საგანია შემსყიდველის მიერ მიმწოდებლისაგან ხელშეკრულების ღირებულების ფარგლებში (92312100) სამინისტროს მიერ მომღერალთა მომსახურების შესყიდვა.

2. მხარეთა ვალდებულებები

2.1 „შემსრულებელი“ ვალდებულია ჯეროვნად და კეთილსინდისიერად, დათქმულ ვადაში განახორციელოს ხელშეკრულებით ნაკისრი ვალდებულებები ხელშეკრულების 1. მუხლის შესაბამისად. „შემსრულებელი“ ვალდებულია შეასრულოს მუსიკალური პროგრამა 40 წთ. ხანგრძლივობით.

2.2 „შემსრულებელი“ ვალდებულია ხელი შეუწყოს ხელშეკრულების მიმდინარეობის პროცესში „დამკვეთის“ მიერ ხელშეკრულების შესრულების კონტროლს.

2.3 „დამკვეთი“ ვალდებულია, აუნაზღაუროს „შემსრულებელს“ ხელშეკრულებაში მითითებული პროექტის ღირებულება.

2.4 „დამკვეთი“ და „შემსრულებელი“ იღებენ ვალდებულებას, დროულად და სრულად შეასრულონ წინამდებარე ხელშეკრულებით ნაკისრი ვალდებულებები.

3. ფასი და გადახდის წესი

3.1. სახელშეკრულებო თანხა შეადგენს 6 250 (ექვსი ათას ორას ორმოცდაათი) ლარს.

3.2. სახელშეკრულებო თანხა მოიცავს საქართველოს კანონმდებლობით გათვალისწინებულ ყველა გადასახადს.

3.3. ანგარიშსწორების ფორმაა უნაღდო ანგარიშსწორება ეროვნულ ვალუტაში.

3.4. ანგარიშსწორება განხორციელდება ფაქტიურად გაწეული მომსახურების შესაბამისად მიღება-ჩაბარების აქტის გაფორმებიდან 10 სამუშაო დღის ვადაში.

4. ხელშეკრულების პირობების შესრულება და მიღება-ჩაბარების აქტის გაფორმების წესი

4.1 ხელშეკრულების პირობები შესრულებულად ითვლება მას შემდეგ, როდესაც „შემრულებელი“ სრულად შეასრულებს ხელშეკრულების 1. მუხლით ნაკისრ ვალდებულებებს.

4.2 შესრულებული სამუშაოს ხელშეკრულების პირობებთან შესაბამისობის შემთხვევაში, 10 კალენდარული დღის ვადაში ფორმდება მიღება-ჩაბარების აქტი.

4.3 მიღება-ჩაბარების აქტზე საქართველოს კულტურისა და ძეგლთა დაცვის სამინისტროდან უფლებამოსილ პირს წარმოადგენს კულტურის პოპულარიზაციისა და რეგიონალური პროგრამების დეპარტამენტის დირექტორი ა. რიაზოშენკო.

5. ხელშეკრულების პირობების შეცვლა და ხელშეკრულების მოშლა

5.1. ხელშეკრულებით გათვალისწინებული პირობების შეცვლა, შესაძლებელია მხარეთა გადაწყვეტილებით, რომელიც ფორმდება მხარეების მიერ წერილობით, ახალი ხელშეკრულების ან შეთანხმების აქტის მეშვეობით. მხარეთა გადაწყვეტილებით მიღებული ცვლილებები, რომელიც შეეხება ხელშეკრულების რომელიმე მუხლს, ჩაითვლება ხელშეკრულების განუყოფელ ნაწილად.

5.2. „დამკვეთი“ უფლებამოსილია ხელშეკრულების მოქმედების პერიოდში „შემსრულებლისათვის“ წერილობითი შეტყობინებით უარი თქვას ხელშეკრულებაზე, მაგრამ მან უნდა აუნაზღაუროს „შემსრულებელს“ ხელშეკრულების მოშლამდე შესრულებული სამუშაოს ღირებულება.

5.3. მხარეთა შეთანხმებით ხელშეკრულების მოშლის ფაქტი ფორმდება მხარეების მიერ დოკუმენტურად შეთანხმების აქტის მეშვეობით.

6. ხელშეკრულების პირობების შესრულების შეფერხება

თუ ხელშეკრულების შესრულების პროცესში მხარეები წააწყდებიან რაიმე ხელისშემშლელ გარემოებებს, რომელთა გამო ფერხდება ხელშეკრულების პირობების შესრულება, ერთმა მხარემ შეფერხების წარმოშობიდან დაუყოვნებლივ, მაგრამ არაუგვიანეს 2 (ორი) კალენდარული დღის განმავლობაში უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების

შესახებ. შეტყობინების მიმღებმა მხარემ, შეტყობინების მიღებიდან არაუგვიანეს 2 (ორი) სამუშაო დღისა, უნდა აცნობოს მეორე მხარეს თავისი გადაწყვეტილება აღნიშნულ გარემოებებთან დაკავშირებით.

7. მხარეთა პასუხისმგებლობა და პირგასამტეხლო

7.1. ვალდებულების შეუსრულებლობის ან შესრულების ვადის დარღვევის შემთხვევაში „შემსრულებელი“ იხდის პირგასამტეხლოს „დამკვეთის“ სასარგებლოდ სახელშეკრულებო თანხის 10%-ის ოდენობით.

7.2. თუ „შემსრულებელი“ არღვევს ხელშეკრულების პირობებს ან არაჯეროვნად ასრულებს ხელშეკრულებით ნაკისრ ვალდებულებებს, დამკვეთი უფლებამოსილია არ აუნაზღაუროს მას წინამდებარე ხელშეკრულებით გათვალისწინებული თანხა.

8. ხელშეკრულების მოქმედების ვადა

ხელშეკრულება ძალაში შედის მხარეთა მიერ ორმხრივად ხელმოწერის მომენტიდან, საქართველოს ფინანსთა სამინისტროს მიერ გადახდაზე ვალდებულების რეგისტრაციის შემთხვევაში და ძალაშია 2016 წლის 30 ივნისამდე.

9. ფორსმაჟორი

9.1 ხელშეკრულების პირობების ან რომელიმე მათგანის მოქმედების შეჩერება ფორსმაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

9.2 ამ მუხლის მიზნებისათვის „ფორსმაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მხარეების შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

9.3 ფორსმაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ, მაგრამ არაუგვიანეს 2 (ორი) კალენდარული დღისა, უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

10. სადავო საკითხები

წინამდებარე ხელშეკრულების პირობებთან დაკავშირებული მხარეთა შორის წარმოშობილი ნებისმიერი დავა წყდება მხარეთა კონსულტაციების გზით. შეთანხმების მიუღწევლობის შემთხვევაში, მხარეთა შორის წარმოშობილი დავა წყდება საქართველოს მოქმედი კანონმდებლობის შესაბამისად.

11. დასკვნითი ნაწილი

11.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები მეორე მხარის წერილობითი თანხმობის გარეშე.

11.2 წინამდებარე ხელშეკრულება შედგენილია სამ ეგზემპლარად ქართულ ენაზე. სამივე ეგზემპლარის ტექსტი იდენტურია და გააჩნია თანაბარი იურიდიული ძალა.

12. ხელშეკრულების შესრულების კონტროლი

12.1 „დამკვეთს“ ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელონ კონტროლი „შემსრულებლის“ მიერ ნაკისრი ვალდებულებების შესრულებაზე.

12.2 ხელშეკრულების შესრულების კონტროლი განხორციელდება ნ. პატარიძის (სამინისტროს კულტურის პოპულარიზაციისა და რეგიონალური პროგრამების დეპარტამენტის რეგიონალური პროგრამების სამმართველოს უფროსი) მიერ.

13. მხარეთა რეკვიზიტები

საქართველოს
კულტურისა და ძეგლთა დაცვის სამინისტრო
სანაპიროს ქუჩა №4
საქართველოს ეროვნული ბანკი
კოდი: 220101222
ს/კ: 203851126

შპს „ნიკოლშოუ“
ს/კ 405131156
სს „საქართველოს ბანკი“
ბანკის კოდი: BAGAGE22
ა/ა GE83BG0000000729844000
მის: თბილისი, ი. ჭავჭავაძის გამზ. 62

მინისტრის პირველი მოადგილე

კახი კანდელაკი



დირექტორი

გიორგი ნიკოლაძე